

Zebarri?

ESKORIATZA ETA LEINTZ GATZAGA / Egubakoitza / 2002ko otsailaren 8a / 67. zenbakia

KOORDINATZAILEA: Aintzane Gardoki • Durana 11 20550 ARETXABALETIA • Tel.: 943 79 86 21 • Faxa: 943 77 18 54 • Posta elektronikoa: zebarri@goiena.com

Hemeretzi Santa Ageda mutil ari dira kantari eta dantzari herrian

AINTZANE GARDOKI

Aurten, inoiz baino gutxiago dira, 19 Santa Ageda mutil guztira. Domekan hasi ziren kantari herrian. Santa Ageda bezperan, baserrietan eta Gatzagan izan ziren. Martitzenean, euri zaparrada gogorren azpian, Santa Agedari dantza egin zioten.

Jende ugari hurreratu zen martitzenean plazara, Santa Ageda mutilek Siziliako martiri eta santuaren omenez dantza zelan egiten zuten ikustera. Euri zaparrada handia zen, baina herriko mutilak gogotik ibili ziren. Azken hilabetean entseguetan ikasitako erakutsi zieten herritarrei.

INON BAINO GAZTEAGOAK

Iaz, San Juan bezperan, 19 mutil horiei herriko plazan makala altxatzea egokitu zitzaion. Orduantxe hartu zieten aurreko urteko kintoei txanda.

Eskoriatzako Santa Ageda mutilak beste herrietakoak baino urtebete gazteagoak dira; izan ere, oraindik betetzeko dituzte 18 urte. Azkeneko urteetan, ohiturak agintzen duen moduan, bez-



Hemeretzi Santa Ageda mutil dira aurten, inoiz baino gutxiago.



AMAGOIA LASAGABASTER

peran eta egunean irten beharrean, egun bat lehenago janzen dute txapela: "Gero eta gutxiago dira, eta egin beharreko guztia egiteko denbora ez dutela aitz-

kia hartuta", dio Maider Otamendik, dantzak erakusten ibili den kidea. Jasotzen duten diruaz euren bazkari eta afariak ordaintzen dituzte: "Santa Ageda egu-

nean, euren adineko neskei eta txistulariei eta dantzan erakusten ibili garen afaria ordaintzen digute", esan digu Maiderrek. Aspaldian zeresan ugari eman

dituzte kintoen gorabeherak: "Txintxo ari dira. Suziri asko bota dituzte, baina formal dabil-tza", azaldu digu Otamendik. Etzi, berriro egingo dute dantzan.

HERRITARREN HITZA / Jon Errasti

Santageda aieneka


Aldidas beltzak jantzita eta txapela toreroaren montera gisa, etxaflero-sorta eramateak ematen duen harrotasun puntutxoaz. Poltsikoan amaren diru-saria; batutakorik, gutxi. Santageda bezpera. Dagoeneko, bularrak moztu zizkieteneko aienek ere entzungarri.

Zeri egiten dio negar, baina, erromatarren torturari ala kintoek bere ohorezko parodiarekin ezarritakoari?

Gainbehera ez da urte batetik bestera gauzatu, ezpada urteetan metatu, eta ezin da urte bateko edo besteko kintomutil jakin batzuk erruduntzat

jo; baina, azken boladetakoa zerikusi txikia dauka Santagedaren ingurukoarekin. Eta garaiak nahiz baldintzak aldatu arren, jaiaren sena mudatzeko arrazoirik ez dago batere.

Koplak ez direlako ikasi, kantatu beharrean edozein bazterretan jarri eta zirkulazioa etenez dirua eskatzea kristoren narrua erakustea da; edozein ordutan etxafleroak jaurtitzea, neurri bako ganberrada;



"Jaiaren sena mudatzeko arrazoirik ez dago"

etxaflero-buruak, inolako ardura barik, taberna, atari, zakarrontzi edo kontainerretan jaurtitzea, gainontzekoenganako eta guztion ondasunenganako errespetu falta demasa.

Plazan dantzatzen dena, parodia lotsagabea; janzkeran erakutsitako zabarkeria, inauteri mozorroa beharrezko txukuntasuna baino; auzo eta baserri batzuetan -gertuenetan- batzea eta urrutienetakoetan jota-pasa

egitea, alferkeria hutsa...

Hauek kontuok zaharrak direla? Bale, ados, baina, sarri, neurritz gainezka egiten duenean baino ez dugu erreparatzen egoeraren degradazioan, eta kintoena horietako kasu bat da.

Aspaldi hasiak beharko genukeen zerbaitetan, eta ezer zehatzik egin ez izana ez da aurrerantzean ere ezer ez egiteko aitzakia.

Are gehiago, nonbaitetik heldu beharko zaio jaiak iraungo badu; bestela, berez usteldu eta galduko da.

Ea aurtengoan jardunak aurreko batzuk ez bezala norabide hori markatzen duen.

LABUR

Itzalaldia eragin zuen zutabe elektriko batek

Eskoriatza eta Gatzaga argi barik egon ziren, bi orduz, zutabe elektriko bat jausi zelako.

Alza lantokiaren atzealdean egiten ari diren lanetan gertatu zen ezbeharra. Inguruan lurra jasotzen ari zen makina batek zutabe elektriko bat jo eta bota egin zuen.

Iberdrolako langileek ordu erdi inguru eman zuten matxura konpontzeko, eta argindarra ordu pare bat geroago itzuli zen Eskoriatzara eta Gatzagara.

TELEFONO JAKINGARRIAK

ESKORIATZA	
Udaletxea.....	943 71 44 07
Udal bulegoak.....	943 71 45 32
Udaltzaingoa.....	943 71 44 07
Euskaltegia.....	943 79 21 68
Kultura etxea.....	943 71 46 88
Gizarte laguntzailea.....	943 71 31 36
Kirol etxea.....	943 71 53 28
Liburutegia.....	943 71 31 35
Luis Eceiza.....	943 71 53 56
Jose Arana-Almen Ikastola.....	943 71 44 86
Almen.....	943 71 49 07
Museo Eskola.....	943 71 54 53
Axtroki.....	943 71 40 77
HUHEZI.....	943 71 41 57
Osakidetza.....	943 71 44 52
Telesko.....	943 71 49 17
Taxiak.....	943 71 40 59

BESTELAKOAK	
Eskualde ospital. (Arrasate).....	943 00 53 00
Gurutze Gorria (Bergara).....	943 76 55 76
Ertzaintza (Arrasate).....	943 79 71 99
Suhiltzaileak (Oñati).....	943 79 28 00
RENFE (Zumarraga).....	943 72 15 15
RENFE9 (Gasteiz).....	945 23 20 30
PESA (Arrasate).....	902 10 12 10
Larrialdiak (Arrasate).....	943 77 10 43
SOS Deliak.....	112

OHARRAK

ARATUSTEAK

Zapatuan, 18:00etatik aurrera, trikitilariak; 23:00etan, Splash txarangak kaleak animatuko ditu. Martitzenean goizean hasiko da jai. Arratsalde, Kukumarroen irteerarekin "Herri Inauteria" izango da zazpietatik aurrera.

ESKI IRTEERA

16an eta 17an, Luz Ardidenera. Autobusa 05:00etan irtengo da. Prezioa: 75 euro. Izena emateko mugaeguna: hilaren 14a (Namasten).

HAMABOSTALDI KULTURALA

Ezeizan ekintza ugari izango da aste osoan.

AXTROKIREN AGENDA

DINAMIZATZAILE-KUDEATZAILE LANPOSTUA

Langilea behar du Axtrokirek egun erdiz aritzeko. Curriculum Intxaurtxueta 9-10. ean edo ludotekan entregatu, otsailaren 15a baino lehenago.

GIZARTEA

ESOP Euskadin egokitzeko jardunaldiak egin dira HUHEZIN

AINTZANE GARDOKI

Zelan egokitu ESOP Euskadin goiburuarekin egin dira jardunaldiak Eskoriatzako Fakultatean. Praktiker-ek, HUHEZIKo ikerlegiak, duela urtebete izan zuen ESOP figura juridikoaren berri. Ameriketako Estatu Batuetan sortu zen ESOP, 70eko hamarkadan. Langileek enpresaren akzioetan parte hartzeko formula da ESOP.

Eusko Jaurlaritzako Gizarte Ekonomia Sailak ere interesa agertu zuen ESOPen inguruan. Praktiker-ek ikerketa-proiektua aurkeztu zion Joseba Azkarragak zuzentzen duen sailari, eta hark onartu egin zuen. Proiektuak ESOP figura aztertu gura zuen, baita EAEn lege aldetik egokitu eta aplikatzeko aukera ere.

Ameriketako Estatu Batue-

"Langileek enpresaren akzioetan parte hartzeko formula da ESOP"

tan ia 10.000 ESOP-enpresa ari dira lanean, eta arrakasta horren giltzarriak Euskal Autonomia Erkidegora zelan ekarri aztertu dute jardunaldietan. Jardunaldiak aurkezteko, Justizia, Lan eta Gizarte Segurantzako sailburu Joseba Azkarraga eta MUko errektore Inaxio Oliveri izan ziren, besteak beste. Jeff Gates eta David P. Ellerman adituak izan ziren jardunaldiak gidatzen.



Eskoriatza Kirol Elkarteak jantzi eta babesle berriak aurkeztu ditu asteburuan

Katalunia aldean aurkitu du babesa Eskoriatza Kirol Elkarteak; izan ere, urtebeteko kontratua sinatu du elkarteak ISCAR enpresarekin. Guztira saskibaloiko nesken hiru taldeek eta areto futboleko bi taldeek eramango dituzte jantzi berriak, guztira 80 kirolaririk. Orain arte moduan, zuria eta berdea dira nagusi.



AINTZANE GARDOKI

Jeff Gates eta David P. Ellermanek gidatu zituzten jardunaldiak



ALMEN ikastolak atek ireki zituen asteburuan, interesa zutenendako

Zapatuan -lehenengo aldiz-, ikastolak atek ireki zituen, barrutik ikusi gura zuten ikasle eta gurasoendako ireki ere. Jende asko hurreratu zen, eta oso balorazio ona egin dute bai ikastolak berak bai gerturatutakoek ere. Ikastola barrutik ikusteak sorpresa bat baino gehiago eragin zuen, batez ere, ikasle ohien artean.

ESTETIKA ESPEZIALIZATUTAKO ZENTRUA



EDURNE

Aranburuzabala, 42
Tel.: 943 71 51 54
ESKORIATZA

TOKI
ALAI
TABERNA

Karajiloetan
espezializatua

Tel.: 943 71 47 29
ESKORIATZA

LENIZ, C.B. KONPONKETAK

LENIZ
ESKORIATZA

TXAPA, MARGOA
eta MEKANIKA

Aingeru Ibiltokia, z/g. • Tfnoa.: 943 71 50 61

Debekua bada nagusi, oraindik ere txerri guztiei heltzen zaie San Martin eguna

AINTZANE GARDOKI

Nahiz eta berez debekatuta egon, Gatzagan, beste herri askotan moduan, ez da galdu txerria etxean hiltzeko ohitura. 3.000 txerri baino gehiago hil dituen pertsonarekin izan gara astean. Beste baserri baten ere, garai honetako gorabeherak kontatu dizkigute.

Azaroan hasi eta urtarril bitartera arte ei da txerria hiltzeko garai aproposena. Gainera, kome ni da ilbehera izatea. Gatzagan, orain, 30 txerri inguru hiltzen dira. "Ni orain dela 30 urte hasi nintzen lan honetan. Orduan, lau aldiz gehiago hiltzen ziren. Nik 3.000 baino gehiago hil ditut honezkero", adierazi digu garai honetan baserri baten ibili behar izaten duen arabarrak.

Bestalde, geroago eta gatzagar gutxiagok hazten dute txerria baserrian. Gauzak asko aldatu dira: "Ni, umetan, arkan sartuta nago behin baino gehiagotan. Askotan trenbidera alde egin behar izaten nuen, txerriaren kurrikkak ez entzuteko. Geroago, berriz, lehenengo ilaran ego tea tokatu izan zait beti. Baina zeharo aldatu dira gauzak. Lehen ez zegoen izozkailurik, eguna joan eguna etorri jan behar izaten zen txerriak. Eta orain, gura izanez gero, urte osoan dauzka odolosteak edo solomoa".

Gizonak txerriari heldu eta emakumeak txerria gobernatu. Hori horrela izan ei da beti, ez da aldatu. "Txerriari heltzeko indarra behar da. Koadrilatxoak elkar tzea beharrezkoa da, eta ia beti gizonetakoak izan dira lan horretan. Behin baino gehiagotan, txerriak, labana gainean duela, alde egin izan du inguruetako baserrietatik. Eta hemen, nik ikusi ez badut ere, esaten zen Salterainek, hark bakarrik, txerria gurdian lotu eta inoren laguntza barik hiltzen zuela txerria herrian", diosku Maritxuk. "Hesteak garbitzea ez da lan ona, baina gurean ahizpak eta biok zatitzen dugu txerria, eta hori ere lan gogorra da. Lan handia dauka txerria gobernatzeak, baina gurean koadrila handia elkartzen gara urtean barrena, eta asko laguntzen digu mahaia jartzeko orduan txerriaren txorixoak eta beste izateak".


Azkenik, galdetu diogu ea aurrerantzean atzetik datozenak helduko dioten lan horri, eta Maritxuk ahoari alde batera eragin dio: "Ez dakit, denbora ere behar da, eta, gaur egun, jendea presaka bizi da. Gustatu, mahaian jarriz gero, denoi gustatzen zaigu txerriak, baina... Hori ere, beste ohitura asko bezala, galdu egingo da. Pena ematen dit. Ezin zaie ohitura guztiei eutsi, baina guzti-guztiak galtzen uztea ere pena da".



Kuadrilatxoak behar da txerriari eusteko.



Hil ondoren iratzeaz erretzen da txerria leku askotan.



Inguruetako makinatxo bat ganbaratan lehortzen dira txorixoak.

"Azkeneko 30 urteotan, hemen inguruan, 3.000 txerri baino gehiago hiltzea tokatu zait"

"Umetan, arka barruan sartuta nago, txerriaren kurrikkak ez entzuteko"

"Gatzagan bazegoen txerria gurdian lotu eta bakar bakarrik txerria dominatzen zuenik"

"Ahizpak eta biok zatitzen dugu txerria, hori da agian lanik gogorrena"

Aretxabaleta eta Eskoriatzako taberna eta jatetxeen gida

hemen bada giro!

ESKORIATZA **Bazkariak eta afariak**

MENDIOLA **ERRETEGIA**

Tfno 714345

Mendiola auzoa
ESKORATZA
943 71 43 45
Astelehenetan itxita

JOSU
taberna harategia

Urdaitegia-gozotegia
Kroasantegia
Gertatutako janariak

Mitarte 1
Tel.. 943 77 03 08

LAGUNAK
DASTALEKU

Tel. 943714063

Gustora egoteko!

Intxaurtxueta 8. ESKORIATZA

Taberna Berri

Durana 26, ARETXABALETA. 943 79 20 67

URBALTZ
TABERNA

Mitarte, 21 behea
Tfnoa.: 943 79 79 79
ARETXABALETA

ZARAIA
TABERNA

Goizeko 5,30etatik zure zerbitzuan
MANTEKA ANAIK
Araba Ibilbidea 20. Tel.: 943 79 88 95. Aretxabaleta

HIRUSTA JATETXEA
Zatoz gure sukaldean ezagutzera

Ilargi plaza 4. Tel. :; 943 79 06 57

Baster-Alde jatetxea

Sasoiko jakiak giro onenean

Galartza auzoa, Aretxabaleta
943 79 24 58

ARTANO akaitegia

Gosariak goizeko 7:00etatik aurrera!

Herriko plaza 3. Tel.: 943 79 62 75 ARETXABALETA

GUREA
Eguneko menuak • Plater konbinatuak
TABERNA

Durana kalea. Telefonoa 943 79 20 64

ARLUTZ
TABERNA

Gustuko musika

Mitarte 16. ARETXABALETA Tel.: 943 79 32 34

EzkuTU
TABERNA

Zatoz gure musikaz goatzera

Mitarte 9 ARETXABALETA Tel: 943 79 92 01

OTZETA
taberna jatetxea

Aranburuzabala 7
ESKORIATZA. 943 71 51 90

BASABE
Menuak eta afariak

Basabe poligonoa ARETXABALETA 943 79 91 84

Aretz
taberna

ORDUTEGIA:
Astelehenetik ostiralera
9:00etatik zabalik
Astebukaeretan
11:00etatik aurrera

Markole, 5 behea
Tel.: 943 79 14 67
ARETXABALETA



RENAULT

AVANTIME

Coupé kontzeptu berria, gidatzea eta bidaiatzea plazer hutsa izan daitezen.

ZATOZ EZAGUTZERA
ARRASATEKO MECARA



MECA

Erakusketa eta tailerra: Amillaga, 5. **BERGARA**. Tel.: 943 76 40 68

Erakusketa eta tailerra: San Andres auzoa. **ARRASATE**. Tel.: 943 71 24 72

